

Broj: 03-02-161/2017
Sarajevo, 14.3.2017. godine

**PARLAMENT FEDERACIJE
BOSNE I HERCEGOVINE**

- Predstavnički / Zastupnički dom -
gosp. Edin Mušić, predsjedavajući

- Dom naroda
gđa Lidija Bradara, predsjedavajuća ✓

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	14-03-2017		
Org. jed.	Broj	Priloga	Vrijednost
02-02-	408	/17	10x

PREDMET: Izjašnjenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u skladu sa odredbama čl. 180. i 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09) i čl. 187. i 190. Poslovnika Predstavničkog doma Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o radu, koje je podnijela Skupština Zapadnohercegovačkog kantona**, a koje je Vlada Federacije Bosne i Hercegovine utvrdila na 68. hitnoj sjednici, održanoj 14.3.2017. godine.

S poštovanjem,

PREMIJER

Fadil Novalić

Prilog: kao u tekstu

**Cc: Federalno ministarstvo rada i socijalne politike
gosp. Vesko Drljača, ministar**

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH”, br. 6/10, 37/10 i 62/10), a u skladu sa odredbama čl. 180. i 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03 i 21/09) i čl. 187. i 190. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07 i 2/08), nakon razmatranja amandmana na Prijedlog zakona o izmjenama i dopunama Zakona o radu, koje je podnijela Skupština Zapadnohercegovačkog kantona, Vlada Federacije Bosne i Hercegovine je na 68. hitnoj sjednici, održanoj 14.3.2017. godine, utvrdila sljedeće:

IZJAŠNJE NJE

AMANDMAN I

Amandman na član 23. stav (1) tač. g. Zakona o radu na način da se broj “60” zamjeni brojem “30”.

IZJAŠNJE NJE

Amandman se ne prihvata

Obrazloženje

Propisivanje da se prekid ugovora o radu iz člana 22. stav 4. Zakona o radu (prerastanje ugovora o radu na određeno vrijeme u ugovor o radu na neodređeno vrijeme) ne smatra prekidom u slučaju vremenskog perioda do 60 dana između ugovora o radu sa istim poslodavcem je neophodno. Naime, duži vremenski period je i uveden radi sprječavanja zloupotreba instituta ugovora o radu na određeno vrijeme koji se u praksi često više puta prekidao da ne bi prerastao u ugovor o radu na neodređeno vrijeme, iako je sklapan godinama što ukazuje na potrebu poslodavca za trajnijim angažmanom tih radnika. Navedeni period je svrsishodan radi zaštite radnika, prvenstveno u realnom sektoru.

AMANDMAN II

Amandman na član 32. stav (2) Zakona o radu na način da se riječi „ili višom školom odnosno fakultetom” zamjeni riječima: „višom ili visokom školom, odnosno prvim i/ili drugim ciklusom visokog obrazovanja po bolonjskom sistemu”.

IZJAŠNJE NJE

Amandman se ne prihvata

Obrazloženje

Predložena izmjena nije predmet ovog zakona, a imajući u vidu da se odgovarajuće izjednačavanje i priznavanje sistema obrazovanja vrši na osnovu Odluke o usvajanju osnova kvalifikacijskog okvira u Bosni i Hercegovini („Službeni glasnik BiH”, broj: 31/11). Shodno navedenom, nitko ne može biti oštećen i izuzet od primjene navedene odredbe.

AMANDMAN III

Amandman na član 34. Zakona o radu na način da se iza stava (6) dodaje novi stav (7) koji glasi:

„(7) Osobi na stručnom osposobljavanju poslodavac osigurava topli obrok i prijevoz kao i ostalim zaposlenicima.”

IZJAŠNJENJE
Amandman se ne prihvata
Obrazloženje

Predložena izmjena je u suprotnosti sa svrhom predmetne odredbe, a to je da se omogući što većem broju lica da se stručno osposobe za obavljanje poslova određenog zanimanja, kako bi stekli potrebno radno iskustvo. Institut stručnog osposobljavanja bez zasnivanja radnog odnosa je vremenski ograničena kategorija, te bi trebao potaknuti poslodavce da prime što veći broj lica bez radnog iskustva na osposobljavanje.

Također, amandman je neprihvatljiv iz razloga što pravo na topli obrok i prijevoz i za ostale radnike nije zakonska kategorija nego je predmet kolektivnih ugovora i pravilnika o radu. Međutim, ne postoji zakonska smetnja za poslodavce koji ova prava žele omogućiti licima na stručnom osposobljavanju da to i učine.

AMANDMAN IV

Amandman na član 56. stav (2) Zakona o radu na način da se riječ „može” zamjeni riječima: „je prije potpisivanja ugovora o radu dužan”.

IZJAŠNJENJE
Amandman se ne prihvata
Obrazloženje

S obzirom da su posebni uslovi rada, te zahtjevi u pogledu zdravstvenih i psihofizičkih sposobnosti radnika na radnom mjestu predmet Zakona o zaštiti na radu, predložena izmjena nije prihvatljiva u Zakonu o radu. Nacrt Zakona o sigurnosti i zaštiti na radu je usvojen od strane Parlamenta Federacije Bosne i Hercegovine, te će u daljoj parlamentarnoj proceduri biti mogućnosti za amandmansko djelovanje na isti.

AMANDMAN V

Amandman na čl. 122.-136. Zakona o radu na način da se ovi članovi brišu.

IZJAŠNJENJE
Amandman se ne prihvata
Obrazloženje

Članovi 122.-136. Zakona o radu regulišu reprezentativnost sindikata i udruženja poslodavaca, te predstavljaju dio reforme radnog zakonodavstva u Federaciji Bosne i Hercegovine. Ove odredbe ugrađene su u Zakon o radu, nakon socijalnog dijaloga i iscrpnih pregovora sa socijalnim partnerima, te bi bilo neopravdano i nesvrhsishodno iste brisati pogotovo imajući u vidu pozitivne efekte koji su već prepoznatljivi u oblasti kolektivnog pregovaranja.

AMANDMAN VI

Amandman na član 155. stav (4) Zakona o radu na način da se riječi: „kolektivnog ugovora” zamjenjuju riječima: „sudske presude”.

IZJAŠNJENJE
Amandman se ne prihvata
Obrazloženje

Članom 155. stav (4) Zakona o radu propisano je da arbitražna odluka ima pravnu snagu i dejstvo kolektivnog ugovora. Navedena odredba je logična imajući u vidu da je sastavni dio odredbi zakona koje regulišu mirno rješavanje kolektivnih radnih sporova. Također, imajući u vidu da je propisano kako protiv arbitražne odluke žalba nije dopuštena, mišljenja smo da usvajanjem navedenog amandmana oduzimamo pravo stranama na sudsko preispitivanje arbitražne odluke i mogućnost na korištenje pravnog lijeka.

AMANDMAN VII

Amandman na član 2. Nacrta Zakona o izmjenama i dopunama Zakona o radu kojim se mijenja član 20a. na način da se dodaje stav (3) koji glasi:

„(3) Izuzetno od stava (2) ovog člana dopušteno je zapošljavanje bez raspisivanja javnog poziva institucijama iz stava (2) ovog člana na rok do tri mjeseca, ako bi zbog trajanja procedure javnog natječaja bilo dovedeno u pitanje redovito funkcionisanje sistema.”

IZJAŠNJENJE

Amandman se ne prihvata

Obrazloženje

Svrha prijedloga novog člana 20a. u Zakonu o radu je uvođenje procedure obaveznog javnog oglašavanja za prijem radnika kod određenih poslodavaca kao što su zavodi, agencije, javna preduzeća, javne ustanove i sl., a kao određeni vid kontrole prijema radi obezbjeđenja prava na rad svima i zakonitosti postupanja odgovornih lica. Amandman nije prihvatljiv jer bi se uvođenje izuzetka za prijem u radni odnos do tri mjeseca bez obaveznog javnog oglašavanja, dovela u pitanje svrha predloženog člana i otvorio put zloupotrebama navedenog izuzetka.

AMANDMAN VIII

Amandman na član 12. Nacrta Zakona o izmjenama i dopunama Zakona o radu na način da se ovaj član briše.

IZJAŠNJENJE

Amandman se ne prihvata

Obrazloženje

Član 12. Nacrta Zakona o izmjenama i dopunama Zakona o radu predviđa izmjenu člana 160. Zakona o radu tako da istim propisuje da federalni inspektor rada obavlja neposredni inspeksijski nadzor u privrednim društvima sa učešćem državnog kapitala Federacije i pravnih subjekata sa javnim ovlaštenjima od interesa za Federaciju, koji su osnovani posebnim zakonom (institucije i ustanove), a izuzetno, u saradnji sa kantonalnim upravama za inspeksijske poslove i kod drugih poslodavaca kada se ocijeni da je neophodno poduzeti mjere s ciljem osiguranja izvršavanja ovog zakona i na osnovu njega donesenih propisa.

Amandman nije prihvatljiv imajući u vidu da se predloženom izmjenom ne zadire u nadležnost kantona pogotovo jer je proširenje ovlasti federalnog inspektora rada predviđeno kao izuzetak i uvjetovano saradnjom sa kantonalnim upravama, a na koji način se ne ugrožava podjela nadležnosti.

V. broj: 371/2017
14.3.2017. godine
Sarajevo


PREMIJER
Fadil Novalić